

U Slobodi će ispoštovati sve uslove za dobijanje licence, igračima već izmireni dugovi



Upravni odbor tuzlanske Slobode ispoštovat će sve uvjete vezane za dobijanje licence za nastup u Premijer ligi BiH, saopćeno je na službenoj stranici tog kluba.



Uvjereni u dobijanje licence – Eduard Brandalek i Sead Kozlić, potpredsjednik i predsjednik UO Slobode (Foto: Miro Petrović)

Smatraju da je Prvostepena komisija za licenciranje korektno obavila svoj posao prilikom donošenja odluke, prema kojoj su bez licence ostali Sloboda, Čelik i Krupa, te Željezničar za UEFA takmičenja.

„Vrijedi istaći da je Uprava zatekla određeno stanje u Klubu, povukla odgovarajuće poteze, te se obavezuje da će do zasjedanja Drugostepene komisije za licenciranje klubova ispuniti sve obaveze u skladu s odredbama Pravilnika o licenciranju kluba BHT Premijer lige BiH koje su navedene u odluci Prvostepene komisije“, navodi se u saopćenju za javnost kluba iz Tuzle.

Nije navedeno konkretno koje uvjete Tuzlaci nisu ispunili, ali se saznaje da je riječ o neizmirenim dugova ima prema većem broju bivših igrača, trenera i uposlenika kluba.

-Zvanično još nismo dobili odluku od Prvostepene komisije za licenciranje, ali bez obzira na sve, u roku ćemo ispuniti sve što je od nas traženo. Osim ostalog, igračima kojima se dugovalo već je izmiren cjelokupan iznos – izjavio je za Fenu Ekrem Ibrić, sekretar Slobode.

Prema neslužbenim informacijama, radi se o iznosu od oko 60.000 maraka.

Postoji dug i prema Poreznoj upravi u visini 64.000 maraka. Radi se o navodno zakašnjelim uplatama Poreznoj upravi, ali u revizorskom izvještaju o poslovanju, prema izvorima iz Slobode, naveden je neodgovarajući podatak, koji se tiče nekih dodatnih obaveza. Dugovanja prema desetogodišnjem reprogramu postratnih poreznih obaveza od 28.000 KM mjesečno, uredno se servisira, rečeno je Feni.

Nova uprava Slobode, na čelu s predsjednikom Seadom Kozlićem, na izbornoj sjednici Skupštine, kao jedan od glavnih zadataka, navela je čišćenje dugova iz prošlosti s najavom da se više neće uvažavati ugovori koji nisu zvanično verifikovani u NS BiH.

Zanimljiv je podatak da je doskora jedno od najvećih dugovanja bilo prema članu Skupštine i bivšem članu UO, privatnom biznismenu Fuadu Barakoviću Fukiju, kome se s kamatama dugovalo više od 300.000

maraka.

Kako Fena saznaje, Barakoviću je u procesu prikupljanja dokumentacije za licenciranje, na njegov prijedlog, isplaćeno 100.000 maraka, dok je oprostio preostali dug od oko 206.000 maraka, po čemu je najveći pojedinačni donator kluba. (mp, Fena)

60

SHARES

[_ Share on Facebook](#)

-
[_ Tweet](#)

-
-

[Follow us](#)

-
[_ Share](#)

-
[_ Share](#)

-
[_ Share](#)

-
[_ Share](#)

-
[_ Share](#)

Date: 07-05-2019